

Et qui plus est ne le vouldroye
 Les signes des folz ie administre
 Aux enfans comme fol ministre
 Le mauuais regime prescriz
 De ma folie nem lescriptz
 Et moy mort laisse testament
 Mauuais qui donne enseignement
 A tous ceulx qui se vouldroient suiure
 De follement comme moy viure

Elai. lxxv.

Je suis le mauuais conducteur
 L'exemple de mal et l'auteur
 Ce que i'ay prins en mon enfance
 Je monstre par experience
 Mon fait inhers le notifie
 Fol ie suis et de ma folie
 Je desire louenge auoir
 Par tout ie ose faire scauoir
 Et semer la mauuaise fame
 Que i'ay par mes mauyx tresinfame
 Je monstre mon vice et peche
 Du quel ie me sens entache
 Ma folie mon deshonneur
 Comme sil m'estoit grant honneur
 Je me vende que i'ay deceu
 Les gens que deceuoir i'ay sceu
 Par tout en toutes regions

c. ex studijs
 et. c. cū iuue
 tute de pre-
 sump.

Je dy que mille legions
 De mauyx a qui sen veult enquerre
 Ont este semez sur la terre
 Moienant moy puis ie me plains
 Que plus ne puis par mons et plains
 Aiser comme ie soulois faire
 Et que plus ie ne puis meffaie
 Et consumer du tout en tout

Des folz destemens iusque au bout
Mais par ce que mes nerfs sont gourz
 Et que acheuer ne puis le cours
 Ancien le se veulx prendre
 Et le faire a mes filz comprendre
 Et nepueuz comme le faisoie
 Faignant que des vices la doye
 En toutes places est bien ample

iiii d

Moy la le filz qui a l'exemple
 De son pere fol et peruers
 Deuiet plus mauuais et diuers
 Mille fois que nestoit son pere
 Et du mal et du vitupere
 Du filz. le pere s'esioiust
 Et seroit mari quil oist
 Dire que son filz est begnin
 Et a toutes vertuz enclin
 Aiant en luy belle esperance
 De son filz qui sans difference
 Retient ses peruerses folies
 Dont en deul et melancolies
 Cest enfant finera ses ans
 Et en mauyx et vices son temps
 Et son aage consummera
 Et iamais il ne laissera
 Le chemin de mauuaise vie
 Et par ce dont ie le conuie
 Quelque chose quil veulle dire
 De gouverner en la nauire
 Quant il viendra quelque tourment
 Le vouille sans soustenement
Mhelas vieulx fol que nas tu honte
 Pourquoy folie te surmonte
 Pourquoy veulx tu que ton vieulx aage
 Soit plain de vilain marescage
 De peche et de falle ordure
 Car iceluy fol qui endure
 En soy le mal inueterer
 Ne le puit apres bien curer
 Par ce quant remede trop tarde
 Et pour ce qu'on sen donne garde

De cōsētra.
 di. v. c. vlti.
 gnilo.

De la doctrine des enfans
Celuy qui les crimes pardonne
 A ses filz sans les corriger
 Et correction ne leur donne
 Pour en vertuz les eriger
 Doit comme les folz nauiger
 Car il en aura mains sabeurs
 A la fin et maintes douleurs

Danic. xliij

iiii d